



Nuna Tamakkerlugu Inunnut Innarluutilinnut Sullissivik

Pissassarfimmut pissassariarnissamik innersuussinermi kommunimi
sullissisunut sullissineq pillugu ilitsersuut, aamma immersugassat
immersornissaannut nassiunnissaannullu ilitsersuutit

Imarisaa:

Aallaqqaasiut.....	3
Pissassarfik pillugu naatsumik paasissutissaq.....	4
Pissassarneq pillugu naatsumik paasissutissaq.....	5
Qinnuteqarnermut piumasaqaatit.....	6
Qinnuteqarneq, qinnuteqarnermut piffissaliussaq.....	6
Suliamut ingerlatseriaaseq.....	7
Allakkatigut akissutissarsineq.....	7
Allakkatigut itigartitsinermi Pissassarfimmit allagaq "siunnersuineq" ilanngullugu innuttaasumut nassiussassaq.....	7
Qinnuteqarnermit akissutissarsinissap tungaanut sivisussusaa.....	7
Innersuussinermi immersugassat aamma innuttaasoq peqatigalugu immersuineq....	7
Akigititat, billetsit, issiavik kaassuartagaq.....	8
Allanngortoqarnerani aamma angerlartitsinermi angalanermi aningaasartuutit kommunip matussusissavai.....	8
Pissassariarluni angalanermi aningaasartuutit pillugit ilisimatitsissut.....	9
Ingiallorteqartitsineq imaluunniit tapersersorteqarneq, taakkulu ullormusiaat.....	10
Sisimiunut tikinneq.....	10
Pissassarfimmi ineqarneq nerisaqarnerlu.....	11
Pissassariarnermi nassatassat.....	11
Pissassarnerup ingerlasarnera.....	11
Pissassariarnerup naammassinerani inaarutaasumik nalunaarusiaq.....	12
Allannguutit.....	12
Innersuussinermi immersugassap immersorneqarnissaanut ilitsersuut.....	13
Pissassarfimmut innersuussiniarluni nassiussinissamut ilitsersuut.....	14
Mailikkut nassiussineq.....	15
Pissassarfik attavigiuk.....	16

Aallaqqaasiut

Innuttaasut innarluutillit Pissassarfimmut pissassariarniarlutik qinnuteqaraangata kommuni pissassariarnissamik Pissassarfimmut innersuussisarpoq. Uani kommunini sullissisunut ilitsersuummi Pissassarfik aamma pissassarneq pillugu naatsumik paasissutissat kiisalu kommunip aamma Pissassarfiup suliassa qarfiisa nassuiarneri, sulianullu tunngatillugu suliassat qanoq sularineqarnissaanik, immersuinissamullu ilitsersuutit atuarneqarsinnaapput.

Pissassarfiup pingaartippaa innuttaasoq, kommunimi sullissisoq aamma innuttaasumut attaveqaataasut suleqatigilluarnissai. Taamaattumik sullissisut qinnuigissavagut pissassarfimmut innersuussinermi Pissassarfiup mailianut uku ataatsikkut nassiunneqartassasut:

- Innuttaasup sullissivik aqqutigalugu immersugaa
- Pissassariartitsiniarnermi innersuussinermut immersugassaq tamakkiisumik immersornikoq, kalaallisut qallunaatullu (Immikkut kakkiullugit nassiutissapput)- *Pissassarfiup aamma Isumaginninnermut Aqutsisoqarfiup nittartagaani immersugassat aaneqarsinnaapput*
- Pissassariarnermi paasissutissanik piniarnissamut aamma/imaluunniit ingerlatitseqqinnissamut pisinnaatitsissut atsiornikoq, *Pissassarfiup nittartagaani aamma Isumaginninnermut Aqutsisoqarfiup immersugassat aaneqarsinnaapput*
- Kommunip innuttaasoq pillugu iliuusissatut pilersaarussia, kalaallisut qallunaatullu allanneqarsimasoq- *kommunip iliuusissatut pilersaarut sularissavaa*
- Nakorsap oqaaseqaataa, innarluutip/nappaatip suussusaanik paasissutissartalik
- Allat (peqarpat) innuttaasup piginnaasatigut qaffasissusaa aamma suliaqarnermi ajornartorsiutai pillugit peqqissutsimik suliaqartunit oqaaseqaat

Eqqumaffigisassat: Eqqortumik tamakkerlugit immersorneqarsimassapput aamma oqaatsit marluusut atorlugit allassimanissaat, tassa kalaallisut qallunaatullu.

Nassiussinermi mailimi qanoq immikkoortillugit kakkiunneqassanersut, aamma mailimi qulequtsiussaasartumi allaffissamilu allaqqasussat aalajangersimasut qimerloorluaquagut maleqqullugillu. Taamaasilluni sullissineq eqaatsumik sukkanerusumillu ingerlasinnaaniassammat.

Pissassarfimiit neriutigivarput una kommunini sullissisunut ilitsersuut sullissinermi iluaqutaalluarumaartoq.



Pissassarfik pillugu naatsumik paasisutissaq:

Pissassarfik Nuna Tamakkerlugu Inunnut Innarluutilinnut Sullissiviuvoq Sisimiuni inissisimasoq.

Pissassarfikmi neqeroorutit innuttaasunut innarluutilinnut qassinilluunniit ukiulinnut, innarluutillit qanigisaannut taassumalu iluani sullissisunut neqeroorutaapput.

Pissassarfikup neqeroorutigivaa innuttaasut ataasiakkaat toraarlugit angusassamik piginnaangorsaaqqinneq aamma piginnaangorsaaneq, sulianut tunngasunut siunnersuilluni ilitsersuineq, siunnersuineq, sukumiisumik erseqqissaaneq, ilinniartitsineq, pikkorissarnerit, naapeqatigiissitsinerit aamma timikkut ilisarsinnaassutsikkullu piginnaasat annikillimasut pillugit sungiusaaneq.

Tamatumuuna suliakimorlugit ataatsimoortumillu isiginnittariaaseqarluni sullissinissat, ilisimasaniq inerisaaneq aamma ilisimasaniq avitseqatigiinnissat periarfissaapput.

Pissassarneq pillugu paasissutissaq naatsumik

Kommuni innuttaasut innarluutillit Pissassarfimmut pissassariarnissaannut innersuussisarpoq. Kommuni aamma innuttaasoq suleqatigalugit Pissassarfimmi passussisut peqatigalugit innuttaasup ulluinnarni killiffimmini unammillernartitai, avatangiisai aamma pissassariarnermi angorusutai aallaavigalugit innuttaasumut naleqqussakkamik pissassarneq ingerlanneqartarpoq.

Innuttaasoq pisariaqartitsinermi ingiallorteqarsinnaavoq, tapersersortimik imaluunniit ingiallortimik. Pissassarneq sapaatip akunnerini marlunni sivisussusilimmik ingerlanneqartarpoq.

Pissassarneq soorlu makkunanga imaqarsinnaavoq:

- Qulaajaaneq
- Paasiniaaneq
- Ilitsersuineq
- Ilisimasani avitsineq
- Timikkut sungiusaaneq
- Paasinnittaatsikkut/eqqarsartaatsikkut sungiusarneq
- Ikiutinik misileraaneq
- Killiffik aallaavigalugu oqaloqatigiinneq

Pissassarneq sungiusarnerinnaangilaq, ulluinnarnili innuttaasup unammillernartitaasa malitsigisartagai tamakkiisumik isigalugit aamma sammineqartarput, soorlu inuiaqatigiinni inuuniarnikkut ataqatigiisumik tulluarsakkamik sullinneqarneq.

Pissassariartup piginnaasai aallaavigalugit sungiusaatissat suliarineqartarput, taakkulu angerlareernermi nangillugit aallussinnaangorsimassavai.

Pissassareernerup kingorna ullut 14-init qaangiussimalernerani pissassarfimmi passussisut pissassarsimasup qanoq ingerlanerani paasiniaallutik oqarasuaat aqquqatigalugu malitseqartitsillutik attaveqartarput.

Pissassarnerup naammassinerata kingorna sapaatip akunneri tallimat qaangiunnerini inaarutaasumik nalunaarusiaq kommunimut nassiunneqartarpoq. Innuttaasoq peqatigalugu nalunaarusiaq atuarneqassaaq, pissassariarnermi pissarsiat aamma iliuusissatut suliniutaasussat aallunneqarnissai pingaartillugit eqqartoqarneqassapput.

Pissassarfimmit suliniutissatut siunnersuutigineqartut innuttaasup avatangiisaanut attuumassuteqarpata assersuutigalugu soorlu kommuni, qanigisat aamma kommunimi nunaqarfigisami attaveqarfigisartakkat allat. Pissassarfimmit siunnersuutigivarput suliamut attuumassutillit pineqartut suliniutaasussanut ilanngullugit peqataatinneqarnissaat. Taamaasilluni ataatsimoorussamik kivitsinikkut innuttaasup pitsaasumik sullinneqarnissaa anguneqarsinnaammat

Qinnuteqarnermut piumasaqaatit

- Innuttaasup innarluutaa suussusilerneqarsimassaaq
- Siusinaarluni iliuuseqarneq (meeqqat 18-it inorlugit ukiullit nakorsamit misissorneqarlutik qulaajaaffigineqarnissamut utaqqisut)

Innuttaasoq pissassariarnermi suleqataasinnaanera aamma tigooraasinnaara, paasinnissinnaanera kiisalu ilitsersuutigineqartunik naammassisaqarsinnaanissaa pisariaqarpoq.

Innuttaasup napparsimavimmi sungiusarneqarnera naammassineqarsimassaaq. Pissassariarnermi aanngaajaarniutinik atuineq akuersaarneqanngilaq, tamanut atuuppoq. Qaangiinermi kommunerisap aningaasartuutigisassaanik angerlartitsisoqarsinnaavoq.

Qinnuteqarneq

Innuttaasoq sullissivik.gl aqqutigalugu imaluunniit kommunimi sullissivimmi immersugassamik immersuilluni pissassariarnissamut qinnuteqarsinnaavoq.

Qinnuteqarnermut piffissaliussaq

Ukioq naallugu Pissassarfimmut pissassariarnissamik qinnuteqartoqarsinnaavoq.



Suliamut ingerlatseriaaseq

Kommunimit innuttaasup qinnuteqaataa tiguneqarpat sullissisut pissassariarnissamut innuttaasooq piukkunnaateqarnerisooq nalilersussavaat. Pissassariarnissamullu innuttaasooq innersuunneqarpat kommunip qinnuteqaat immersoqqeriarlugu Pissassarfimmut ingerlateqqissavaa. Kommuni pissassariarnissamut itigartitsisinnaavoq.

Pissassarfimmi innersuussanut ataatsimiititaliap innuttaasup qinnuteqaataa aallaavigalugu innuttaasumut pissassariarsinnaaneq naleqqunnersooq aamma nalilersussavaat.

- Innuttaasooq akuerineqaruni, Pissassarfimmit akissut kommunimut ingerlateqqinneqassaaq
- Innuttaasooq itigartinneqaruni, Pissassarfimmit akissut tunngavilersuutitalik aamma sinnersuutitalik kommunimut ingerlateqqinneqassaaq

Allakkatigut akissutissarsineq

Pissassariarnissamut innuttaasooq akuerisaanersooq imaluunniit itigartitaanersooq maili immersuinermit innuttaasumit allanneqartoq aqqutigalugu kommunip akissuteqassaaq.

Allakkatigut itigartitsinermit Pissassarfimmit allagaq "Siunnersuineq" ilanngullugu innuttaasumut nassiussassaaq

Innuttaasumut pissassariarnissamik itigartitsisoqaraluartoq Pissassarfimmit siunnersuineq suli periarfissaavoq. Taamaattumik allagaq "Siunnersuineq" Pissassarfiup aamma Isumaginninnermut Aqutsisoqarfiup nittartagaanni aaneqassaaq, itigartitsinermit allakkap nassiunnerani kakkiullugu ilanngunneqassaaq.

Qinnuteqarnermiit akissutissarsinissap tungaanut sivilissusaa

Kommunimi aamma Pissassarfimmi qinnuteqaatit immikkut sapaatip akunerini marlunni sivilissusilimmik suliarineqartarmata, qinnuteqaatip nassiunneranit innuttaasup akissutissarsinissaa qaammat sinnilaarlugu sivilissususeqarsinnaavoq.

Innersuussinermit immersugassat aamma innuttaasooq peqatigalugu immersuineq

Innersuussinermit immersugassaaq aamma akuersilluni atsiugassaaq Pissassarfiup aamma Isumaginninnermut Aqutsisoqarfiup nittartagaanni aaneqarsinnaapput:

www.pissassarfik.gl & www.socialstyrelsen.gl Immersugassat qanoq imaqarneri sullissisunit paasillugit atuarneqaqqaarnissai Pissassarfimmit innersuussutigivarput, taamaasilluni innuttaasooq aggersarnerani suut immersorneqalernerit nassuiaatigineqarsinnaaniassammata. Innuttaasup sullissivik aqqutigalugu immersugaaq, Pissassarfimmit immersugassat ilanngullugit kommunip innuttaasooq pillugu iliuusissatut pilersaarussiaa, nakorsap oqaaseqaataa innarluutip/nappaatip suussusaanik paasissutissartalik, aamma (peqarpat) innuttaasup piginnaasatigut qaffasissusaa suliaqarnermilu ajornartorsiutai pillugit peqqissutsimik suliaqartunit oqaaseqaataasut ilanngullugit ataatsimut nassiunneqarnissai eqqaamaneqassaaq.

Akigitat aamma billetsit

Pissassariarneq innuttaasumut, ingiallortimut aamma tapersersortimut akeqanngilaq.

Innuttaasup angalanera allallu angalanermi aningaasartuutaasut, ineqarneq, nerisaqarneq Pissassarfiup isumagissavai.

Pissassariarnissaq akuerineqarpat Pissassarfimmi passussisut ulluliissapput qaqugu pissassariarneq pissanersoq. Innuttaasoq akuersippat **Pissassarfimmit billetsit pisiarineqassapput** sullissisumullu nassiunneqarlutik, sullissisullu innuttaasumut ingiallorteqarpallu ingiallortaasumut nassiutissavai.

Issiavik kaassuartagaq

Innuttaasup issiavik kaassuartagaq angalanermi nassarniarpagu issiavillu kaassuartagaq batteriiniq ingerlateqarpat, batteriia imerpalasuunngippat imaluunniit imerpalasuuppat tamanna pissassarfimmut nalunaarutigineqassammat. Tassunga immikkut immersugassaqarmat.

Allangortoqarnerani aamma angerlartitsinermi kommunip angalanermi aningaasartuutit matussusissavai.

Billetsip atulereerneranit taamaatitsinermi, takkutinngitsoornermi imaluunniit angalasussap aqqa allangortinneqarpat aningaasartuutit kommunimit matussuserneqassapput.

Pissassariarnermi aanngajaarniutiniq atuneq akuerisaanngilaq, tamanut atuuppoq. Qaangiinermi kommunerisap aningaasartuutigisaanik angerlartitsisoqarsinnaavoq.



Pissassariarluni angalanermi aningaasartuutit pillugit ilisimatitsissut:

Ukioq 2023 aallarnerfigalugu innuttaasup Pissassarfimmi piginnaangorsaqqinnissaanut atatillugu kommune innersuussisoq angalanermi aningaasartuutinut akisussaasunngortinneqarnerat maanna Inatsisartut Aningaasaqarnermut Akileraartarnermullu Ataatsimiititaliaat ullormi 31. Maaji 2024-imi aalajangiussaqaarpoq 2024 ukiup sinneranut aningaasaliissutit amerlineqassasut. Aningaasaliissutit ilassutaasut innuttaasut innarluutillit piginnaangorsaqqinnissaannut Pissassarfimmut ingiallortaatalu angalanissaannut atorineqassapput. Taamaasilluni Kommunit toqqaannartumik Pissassariarnermi angalanermut 2024 naanissaata tungaanut aningaasartuuteqassanngillat.

Saniatigut kommunit aqqissuussaanerata assigiimmik pisussaaffeqartitsisup, ataatsimoortumik tapiissutini piffissami 2018-2020 kommuninut isumaqatigiissutaasimasut malillugit, 2025 aallarnerfigalugu pilerseqqinneqarnissaa anguniarlugu isumaqatigiinniarnermut ilanngunneqassaaq.

Kommunit pissassariartitsineranut ukiup sinneranut angalanermut aningaasartuuteqarunnaarneranni neriuutigivarput innersuussineq ingerlalluaqqilissasoq, innersuunneqartussat pillugit kommunit suleqatigilluarnissaat qilanaarivarput.

Ingiallorteqartitsineq imaluunniit tapersersorteqarneq, taakkulu ullormusia.

Meeqqat 18-it inorlugit ukiullit ingiallorteqartinneqassapput. Pissassarfimmit ilaasussatut innersuussutigineqarpoq, angajoqqaq ataaseq imaluunniit meeqqamut angajoqqaatut oqartussaassuseqartoq aamma meeqqamut tapersersortaasoq.

Inersimasut pisariaqartitsineq naapertorlugu tapersersorteqassaaq imaluunniit ingiallorteqassaaq. Inersimasut meeqqanit 18-it inorlugit ukiulinnit ingiallorteqartinneqassanngillat/tapersersorteqartinneqassanngillat.

Immikkut pisoqartillugu ilaqutaasut tamarmik ilaatinneqarsinnaapput, innersuussinnginnermi tamanna pillugu Pissassarfik attavigineqassaaq.

Tapersersortip ullormusiassai kommunimi sullissisorisarlu isumagineqassapput, Pissassarfik tamanna pillugu sullissineq ajorpoq.

Ingiallorti/ tapersersorti

Kommunip akissarsiat isumagissavai aammattaaq tapersersorteqarnermut akisussaaffik tigummivaa, kiisalu qanigisaasut ingiallortaallutik angalaqataasut sulilluni isertitassaagaluartunut annaasaqaataasut aningaasaliiffigissavai.

Ingiallortaasumut/tapersersortaasumut naatsorsuutigineqartut makkuupput:

- Pineqartoq eqeersimaarluni pissassarnerup ingerlanera tamaat peqataanissaa
- Innuttaasup ulluinnarni qanoq ittunik unammilligaqarneranik aamma inuttut eqqiluisaarnissamut pisariaqartitaanut ilisimannissaaq
- Innuttaasup angerlareernerata kingorna sungiusarnerani tapersersuissasoq, sulisunut aamma allanut qanigisaasunut ilisimasassanik ingerlatitseqqiissasoq

Pissassarfik ullormut aningaasarsiat pillugit sullissineq ajorpoq:

- Tapersersortaasup ullormut aningaasarsiaat sulisitsisuusumit suliarineqassapput
- Ingiallortip sulineri aningaasarsiaqarnermi annaasai pillugit Majoriaq attavigineqassaaq

Sisimiunut tikinneq

Pissassariarlutik tikittut Pissassarfiup pedeliata aasarpai, pedeli allagartannguamik tigummiagaqartarpoq allaqqasumik: Pissassarfik.

Issiavik kaassuartagaq Pissassarfiup biiliani inissaqarpoq.

Pissassarfimmi ineqarneq nerisaqarnerlu

Pissassarfiup ineqarfiani nammineersinnaaneq

Innuttaasup Pissassarfiup ineqarfiani nammineersinnaanissaa piumasaqaataavoq. Innuttaasoq inuttut eqqiluisaarnissamut imaluunniit assigisaanik ikiorneqarnissamik pisariaqartitsippat, ingiallortip/tapersersortip suliassaraa innuttaasup pissassarnerata nalaani ikiortassallugu. Immikkut ittutigut innuttaasup pisariaqartitsinera naapertorlugu sapaatip akunnerata naanerini, unnukkut aamma unnuakkut taperedsortip/-ingiallortip sulinissai pilersaarusioneqassapput. Kommunimi sullissisup innuttaasoq peqatigalugu pilersaarusioneq ingerlatissavaat.

Pissassarfiup ineqarfiani innuttaasoq, ingiallorteqarpallu ingiallortaasoq immikkut ineeraqartinneqassapput nerisaqartinneqarlutillu, namminerli nerisassiorsinnaaneq periarfissaalluni. Immikkut ittutigut nerisassanik sapigaqarneq ilisimatitsissutigineqassaaq. Eqqiaasoqarpoq, innuttaasulli nammineq atisami errorrissai isumagisussaavai, ineqarfimmi errorsisarfeqarpoq.

Pissassariarnermi nassatassat

Eqqaamasassat pingaarnerit ilaat tassaapput illup iluani atisat skuullu timersuutaasinnaasut. Ulluinnarni pisariaqartillugit atortakkatit atisat, isersimmatit, uffaait, kigitigissaait, nangit (atorneqarpata) aamma sullulikkut nerisartakkat (sullulikkut nerisaqartuungaanni) aamma nakorsaait amerlanaarlugit nassarneqassapput.


Pissassarfimmi uffarnermi issiavik atorneqarsinnaasoq aamma meeraaqqanut siniffiit atukkiunneqarsinnaasut pigineqarput.

Pissassarnerup ingerlasarnera

Ataasinngornermiit tallimangorneq ilanngullugu, ullaakkut nalunaaqutaq arfneq pingasut aamma ualikkut nalunaaqutaq sisamap akornanni pissassarnerit ingerlanneqartarput.

Pissassarneq oqaloqatiginninnermik aallarniutaasumik ingerlanneqartarpoq. Innuttaasup pisariaqartitai killiffiilu aallaavigalugit innuttaasumut naleqqussakkamik, ulluinnarni unammillernartitaanik pissassarnermi pilersaarusionerit ukuusinnaapput; qulaajaaneq, oqaloqatigiinneq, timikkut eqqarsartaatsikkullu sungiusaaneq.

Pingaaruteqarpoq innuttaasoq kajumissuseqarluni piumassuseqarlunilu sungiusarfissanut peqataasarnissaa.



Pissassarnerup naammassinerani inaarutaasumik nalunaarusiaq

Pissassarnerup naammassinerata kingorna sapaatip akunneri tallimat qaangiunnerini inaarutaasumik nalunaarusiaq kommunimut nassiunneqartarpoq. Innuttaasoq peqatigalugu nalunaarusiaq atuarneqassaaq, pissassariarnermi pissarsiat aamma iliuusissatut suliniutaasussat aallunneqarnissai pingaartillugit eqqartoqarneqassapput.

Pissassarfimmit suliniutissatut siunnersuutigineqartut innuttaasup avatangiisaanut attuumassuteqarpata assersuutigalugu soorlu kommuni, qanigisat aamma kommunimi nunaqarfigisami attaveqarfigisartakkat allat. Pissassarfimmit siunnersuutigivarput suliamut attuumassutillit pineqartut suliniutaasussanut ilanngullugit peqataatinneqarnissaat. Taamaasilluni ataatsimoorussamik kivitsinikkut innuttaasup pitsaasumik sullinneqarnissaa anguneqarsinnaammat.

Allannguutit

Sullissinermut sunniutilimmik allanngortoqarpat innuttaasup kommunimi sullissisoq attavigissavaa. Assersuutigalugu sullissinerup ingerlanerani innuttaasoq kommunerisaminit nuukkuni, innuttaasup kommunerilikkamini sullissisoq attavigissavaa suliamik ingerlasoqarnera nalunaarutigalugu.

Innersuussinermi immersugassap immersorneqarnissaanut ilitsersuut

Innersuussinermi immersugassap iluani naqinnerit uku takuneqarsinnaapput: A-B-C-D-E aamma* - Taakku imatut itisilerneqarlutik immersorneqassapput:

- A. Innuttaasoq issiavimmik kaasuartakkamik, aneerussivimmik, aneerussivimmik peqittakkamik assigisaanilluunniit nassataqarniarpat allanneqassapput. Aamma immikkut ittutigut nerisassanik sapigaqartoqarpas allanneqassapput.
 - B. Ataasiakkaat pisariaqartitsinerat naapertorlugu ingiallortimik pisariaqartitsisoqarnerisooq naliliisoqassaaq.
 - C. Innersuussinermut peqqutaasoq: Innuttaasup ajornartorsiutigisartagai naatsumik ersarissumillu nassuiakkit.
 - **Timikkut aalasinnaassutsikkullu unamminartitat:** Assersuutigalugu makkuusinnaapput makittarissuseq, ataqatigiissaasinnaaneq, nukittussuseq imaluunniit timikkut aalaasinnaanermi ineriartornikkut kinguarsimaneq
 - **Qanermi/iggiami unamminartitat:** Tassaasinnaapput oqaatsinik oqaatiginninniarnermi ajornartorsiutit, kiinnami nukiit imaluunniit nerinermi/iisiniarnermilu
 - **Perorsaanikkut unamminartitat:** Tassaasinnaapput killiliisarneq, ulluinnaat ilusilersortarnissaat, attuumassuteqarfiit, pissusilersuutit allanngornissaannut ikorfartuineq
 - **Ilisarsinnaassutsikkut pisinnaasaqassusermi unamminartitat:** Tassaasinnaapput aallussiniarneq, tamakkerlugu isiginnissinnaaneq, sianiginninneq aamma eqqaamannissinnaaneq
 - D. Innuttaasup pissassarniarnissaminut siunertaa aamma anguniagai ersarissumik nassuiakkit.
 - E. Paasinnissinnaassutsikkut qanoq issuseq – Innuttaasup piginnaanngorsaqqqinneqarnissaani suleqataasinnaaneq aamma tigooraasinnaaneq, paasinnissinnaaneq kiisalu ilitsersuutigineqartunik naammassisaqarsinnaanissaa pisariaqarpoq. Taamaattumik immersuinerni aamma itisiliillutit nassuiaateqalaassaatit.
- *: Immikkoortortaqaqarfiup aqutsisumut paasissutissat ilanngunneqassapput. Suliap ingerlanerani attaveqatigiinneq suli ingerlanneqarnissaa qulakkeerniarlugu.

Taakku ilitsersuutitut allassimagaluartut immersugassat tamakkerlugit immersorneqarsimassapput. Amigartumik immersorneqarsimappata innersuussineq Pissassarfimmit suliarineqarsinnaanngilaq.

Pissassarfimmut innersuussiniarluni nassiussinissamut ilitsersuut:

Pissassarfimmut pissassariarnissamik innersuussinermi immersukkat mailimi ataatsimi Pissassarfimmut nassiunneqartussat ukuupput:

- Innuttaasup sullissivik aqputigalugu immersugaa
- Pissassariartitsiniarnermi innersuussinermut immersugassaq (Kalaallisut aamma qallunaatut immersorneqarsimasut, immikkullu kakkiunneqassapput) - *Immersugassaq Pissassarfiup aamma Isumaginninnermut Aqutsisoqarfiup nittartagaani aaneqarsinnaavoq*
- Pissassarnermi paasissutissanik piniarnissamut aamma/ imaluunniit ingerlatitseqqinnissamut pisinnaatitsissut (Kalaallisut aamma qallunaatut immersorneqarsimasut) - *Immersugassaq Pissassarfiup aamma Isumaginninnermut Aqutsisoqarfiup nittartagaani aaneqarsinnaavoq*
- Kommuni innuttaasoq pillugu iliuusissatut pilersaarutaa (Kalaallisut aamma qallunaatut allaqqasoq, immikkullu kakkiunneqarlutik nassiunneqassapput) - *Tamanna kommunip nammineq iliuusissatut pilersaarut suliarissavaa*
- Nakorsamit oqaaseqaat: Innarluut/nappaat pillugu paasissutissartalik - *Oqaaseqaat ukioq ataaseq sinnerlugu pisoqaatigissanngilaq*
- Allat (peqarpat) innuttaasup piginnaasatigut qaffasissusaa aamma suliaqarnermi ajornartorsiutai pillugit peqqissutsimik suliaqartunit oqaaseqaat

Immersugassat tamarmik sukumiisumik itisilerneqarsimasumillu immersorneqarsimassapput kalaallisut qallunaatullu. Eqqaamallugu immikkoortortaqarfiup aqutsisumut paasissutissat ilanngunneqarsimassammata, suliap ingerlanerani attaveqaqatigiinneq suli ingerlanneqarnissaa qulakkeerniarlugu.

Maili nassiussiffissaq:

pissassarfik@nanoq.gl

Amigartumik immersorneqarsimappata innersuussineq Pissassarfimmit suliarineqarsinnaanngilaq.

Mailikut nassiussineq:

Eqqaamallugu immersugassat immikkut tamaasa kakkiullugit ilanngunneqassammata.

Send pissassarfik@nanoq.gl

Emne Pissassariarnissamut innersuussineq: [Innersuunneqartup aqqa naggataalu]

Henvisningsformular Kal.pdf .pdf-fil	Henvisningsformular dk.pdf .pdf-fil	Handleplan på Grønlandsk.pdf .pdf-fil
Handleplan på dansk.pdf .pdf-fil	Samtykkeerklæring.pdf .pdf-fil	Lægenotat.pdf 149 KB

Haluu Pissassarfik

Matumuuna: **[Innersuunneqartup aqqa naggataalu]** pissassariarnissamut innersuunneqarnera nassiuppoq.

[Innersuunneqartup aqqa naggataalu], [Inuup normua]
Suussusilikkamik innarluut, nappaat: **[Innarluutip/nappaatip suussusaa allaguk]**

Ulluinnarni ikunnerit sisamat ikiorteqartarpoq.

Ikiutinik atugaqanngilaq

Mailimi ilanngullugit kakkiunneqartut:

- Pissassarjartitsiniarnermi innersuussinermut immersugassaaq, kalaallisut
- Henvisningsformular til forløb på Pissassarfik, qallunaatut
- Pissassarnermi paasissutissanik piniarnissamut aamma/imaluunniit ingerlatitseqqinnissamut pisinnaatitsissut/Samtykke til forløb på Pissassarfik, indhentning og/eller videregivelse af oplysninger, kalaallisut qallunaatullu
- Kommunitit iliuusissatut pilersaarut, kalaallisut
- Kommunal handleplan, qallunaatut
- Nakorsamit oqaaseqaat, innarluutip/nappaatip suussusaaanik paasissutissartalik, kalaallisut
- Lægenotat med information om diagnose, qallunaatut

Inussiamersumik Inuullaqqusillunga
Med venlig hilsen
Best regards

Mailip iluani Emnemi allaqqassaaq: Pissassariarnissamut innersuussineq aamma innersuunneqartup aqqa naggataalu

Mailip iluani allaqqasussat: Innersuunneqartup aqqa naggataalu

- Innersuunneqartup aqqa naggataa, inuup normualu
- Suussusilikkamik innarluutaa/nappaataa
- Ikiorteqartarpat ikiortaata ullormut suliffiisa tiimii
- Ikiutinik atuinnersoq atuinnginnersoq/ ikiutinik atuippat ikiuutaa allanneqassaaq
- Mailimi kakkiullugit ilanngunneqartut allanneqassapput

Innersuussinermi immersugassat pillugit apeqqutissaqarussi Pissassarfik attavigisinnaajuarparsi.



Nuna Tamakkerlugu Inunnut Innarluutilinnut Sullissivik
-Piginnaanngorsaaqqinnermut aamma piginnaanngorsarnermut

☎ +299 34 50 70
✉ pissassarfik@nanoq.gl
🏠 Nalunnguarfimmut 4
Postbox 477
3911 Sisimiut
Pissassarfik

Allaffiup ammasarfii:

Ataa-tall:

Nal.: 09:00-12:00 aamma 13:00-15:00

Arf-sap.: Matoqqavoq



www.pissassarfik.gl
GLN nr. 5790001954291